

歷朝憲章類誌卷之二十二

潘輝注著

★禮儀誌

▲朝廷慶賀之禮

●受禪卽位之禮

陳英宗元豐八年。帝傳位于皇太子。太子受禪。改元紹隆。是爲聖宗。其後仁宗受禪。改元紹寶。英宗受仁宗禪。改元興隆。明宗受英宗禪。改元大慶。憲宗受明宗禪。改元開祐。皆以早歲受禪。中年遜位。一代傳爲家法。

祝里吳氏曰。自夏禹傳子之後。父崩子繼。兄沒弟承。永爲常法。陳氏家法。乃異於是。子旣長。則使承正位。而父退居聖慈宮以上。皇稱同聽政。其寔但傳大器。以定後事。備倉卒耳。事皆取決於上。皇嗣主無異於皇太子也。然則於道得乎。蓋取乾退居西北而震進出東方之意。然未至於耄期。倦勤不可也。曷若繼承如三王。以正其始終之爲愈乎。孟子曰。遵先王之法而過者未之有也。繁中興後。神宗陽和九年冬十月。詔傳位於皇太子維祐。卽皇帝位于勤政殿。改元爲福泰元年。是爲真宗。在位六年。崩無嗣。上皇又復卽位。

熙宗正和二十六年夏四月。詔傳位於皇太子維禧。太子卽皇帝位。大赦。改元永盛。是爲裕宗。裕宗保泰十年夏四月。帝傳位于皇太子維祐。太子卽位。改元永慶。是爲昏德公。在位四年。尋被廢。懿宗永佑六年五月。帝禪位于皇姪維祧。卽皇帝位。改元景興。大赦天下。時宇內多故。人心懷貳。恩

王以爲總攝萃聚當順時義。皇祧世嫡當立。宜循正經。以絕反側。乃請帝還位宗子。以安天下。帝從之。皇姪受禪。詔下。人心大悅。是爲顯宗。

按黎朝國初傳繼未嘗禪授。中興以後。至神宗始行禪讓。迨後熙宗。裕宗。懿宗。皆襲故典。然其事大抵出於鄭王。殊非倦勤本意。蓋假此美事。以見王家翊扶幼君之義。而皇上初心。原非樂顧。閒愛清寂。如陳家諸君比也。中間裕宗之禪。尤出逼迫。至使憤鬱不平。見於言論。而所禪者。乃假子之昏德。黎家宗祀。幾於中殆。向非順王反正。扶立純廟。則仁王逼禪之罪。固已不可掩矣。惟懿宗之禪。所以重宗統。一民心。名義甚正。而黎復延五十年之祚者。寔由於此。恩王翊扶之功。誠足以光前烈云。

◎皇子受禪卽位頒詔儀。

是日早。尙設司設御座于視朝殿正中。設御床于左。設寶案于御座之東。承諭局設香卓于殿之南。儀衛司設詔案并黃傘四把于丹墀之左。承諭局開讀木登几二件于丹墀之左。稍下 西向守衛三司將排列旗幟如儀。教坊司設清韶樂于丹墀之左右。儀衛司將士千百戶擎捧黃傘立于詔案之左右。至日早。奉節制府恭捧王上旨。親率公侯伯文武百官各具本爵品服。詣殿庭。導禮官稟節制府入于左。至店權坐。百官立于端門外。朝謁官立于乾元門外。執事各員先進入。列詔案二員。用翰 林官宣詔一員。用東閣官展詔二員。用翰林官典禮一員。用禮部官並立丹墀之左。西向代致詞一員。用侍郎官立丹墀之右。東向通贊四員。二員立于丹墀之左右。相向一員立于端門外之左右。相向儀衛司一員立于丹墀之右。樂官二員立于丹墀之左。

于丹墀之左右太樂之所。北向鳴鞭四員立于丹墀之南左右司禮監官於萬壽殿候皇上受詔傳位畢跪奏請陞龍駕皇上御衝天冠黃袍玉帶升駕駕行捧寶護衛將士扈從如儀捧進至敬天殿庭鍾初聲導禮官贊導節制府立于丹墀之東稍北序班二員引班首大臣及百官入丹墀左右侍立二員引朝謁官於端門外序立並北向二員引賚詔等官立于階之末奉皇上升座捧寶官置寶于案鳴鞭鍾聲止通贊用閣門官唱排班導禮官導節制府就位導禮官趨出前位出百官排班通贊唱班齊外贊唱同唱鞠躬拜凡四興平身捧詔官就御道中跪奏傳詔俯伏仍跪司禮監官一員捧詔一道授于捧詔官趨出稍東立捧詔官受置于案上引詔官二員引序班四員捧詔案千百戶四員擎捧黃傘遮護由丹墀之左稍上置于御道中捧詔官就案取詔宣詔官展詔官並登于木登几上捧詔官授詔于宣詔官宣詔官接受稱有詔通贊唱百官皆跪外贊唱同宣詔官以詔授展詔官展詔官接受開展宣詔官宣畢取詔授于捧詔官宣詔官展詔官並下登几趨出前位出捧詔官俯伏興趨出前位立引詔贊二員捧詔案千百戶擎捧黃傘遮護復置于丹墀之左俯伏通贊唱鞠躬拜凡四興平身外贊唱同代致詞官就御道中跪通贊唱百官皆跪代致詞官奏云碎奏欽差節制水步諸營臣某奉王上旨率公侯伯文武百僚等謹上言今茲欽奉皇上陛下光登寶位誕頒恩詔羣情胥慶萬福攸同臣等不勝懽忭之至敬祝萬年壽俯伏興趨出前位出通贊唱俯伏興鞠躬拜凡四興平身唱鞠躬三舞蹈唱嵩呼百官皆舉手加額應曰萬歲凡唱嵩呼軍校樂工皆齊聲曰萬歲唱俯伏興平身唱鞠躬拜凡四興平身唱百官分班侍立導禮官贊節制詣東宮位前立百官趨出就位立鴻臚寺官由丹墀左階下

就御道中跪奏。欽奉捧賚詔就廣文亭及往各處頒行。共十三員。俯伏興趨出前位立。典禮官唱受詔。捧詔官賚詔等官就御道中並行五拜三叩頭禮。仍頒司禮監官一員先取詔敕一道授與捧詔官一員。又捧詔十二道授與賚詔等官接受。由御道中出鼓樂引捧詔官捧到廣文亭掛張賚詔等官捧往各處執事各員進入班次行五拜三叩頭禮。興趨出前位立。儀制司就御道中跪奏禮畢。鳴鞭欽奉皇上御駕還宮。節制府還府百官以次趨出。

●改元禮節次

是日早。文武百官等恭奉王上旨下廷議以事具本奏御。仍議年號字及恩赦各條。恭奉准允。仍傳司天監擇日預告祭天地殿廟諸尊位。至日早公侯伯大臣文武百官各具本爵品服進朝行禮。其儀註與登極同。

△頒下詔書儀註

凡使者奉賚詔書至各處隔一里許。前期一日令人移文預報知本處官司。洒掃本衙門。張帳掛綵如儀。設宣讀案于庭之中。稍北某日具金亭案儀仗。鼓吹率所屬官吏僧道人等就郊外迎接候使者至捧詔書置金亭行五拜三叩頭禮。仍前導使者隨亭後行至衙門安置金亭于玉亭。使者立金亭之東。各官具朝服陪拜唱排班齊鞠躬拜興。凡四平身使者捧詔書靠東向邊西向立。贊禮官唱衆官皆拜。使者以詔授宣讀官宣讀官跪受升几案立稱有詔書。讀畢捧詔書跪授使者。置于金亭贊禮唱俯伏興拜。凡四興平身擗笏鞠躬三舞蹈唱衆官皆跪唱嵩呼如儀唱出笏伏俯興拜。凡四興平身禮畢。各處官員易著常服使者於本堂東間。稍下東西相向相見再拜禮設坐如之。使者與正官對坐其佐貳官右官序接坐禮畢各趨出。

●聖壽節禮

李朝遇誕日作
竹山蓋自此始

聖大行天福六年。帝誕時。使人造舟江中。以竹作假山于舟上。號南山。遂設競舟戲。後以爲常。奇怪萬狀。又使人效禽獸之聲。爲娛樂。以宴羣臣。

壬戌十三年春二月。罷竹山戲。帝以天成節作山。勞民罷之。但設燕禮而已。

午峯吳氏曰。竹山之戲。何所娛玩。蓋取南山禱壽之意。故於誕日爲之。夫禱壽可也。何必作此假山。乃勞民力以爲之。大行爲之於前。歷朝踵之於後。至此爲恆規。太祖一爲之。知其罷民無益。卽罷其役。故書予之。其後太宗卽位。誕日復設山如故。豈以太祖此舉不足爲法耶。安在其能繼乎。述

李太宗天成元年六月。以誕日爲天聖節。以竹作萬歲南山于龍墀。其制爲五峯。中峯頂立長壽山。左右四峯皆置白鶴山。山上作鳥獸飛走之狀。山腰有神龍蟠繞。間植旌旗。錯懸金磬。使伶人於岩中弄笛吹笙。獻歌奏舞爲娛樂。賜羣臣宴。五峯之制自此始。

祝里吳氏曰。誕日慶賀大禮也。臣祝其君。君宴其臣。君臣和合。以通上下之情。禮固宜然。顧帝當喪。而極心目之娛。曾不念先帝之未葬乎。茕茕在疚之心。蓋蔑如也。

按生日宴樂。初非古禮。自唐世行之。歷代循習。以爲盛典。但其于無事之時。而因誕節。開壽筵。以和暢下情。固亦無妨於理。若夫當在疚之日。而卽樂忘哀。誇侈宴會。則其違禮之罪。爲最大矣。李太宗號爲仁哲。乃不免有此舉。毋亦因循末俗。而不知反諸心歟。

陳聖宗紹隆二年九月以誕日爲興天節。

按陳家誕日自聖宗稱興天。其後皆以天字爲號。仁宗曰壽天節。英宗曰崇天節。明宗曰寧天節。憲宗曰會天節。裕宗曰慶天節。藝宗曰建天節。睿宗曰齊天節。廢帝曰光天節。

黎太祖順天元年八月以誕日爲萬壽聖節。

太宗紹平四年八月戊申繼天聖節是日早帝謁太廟行四拜禮還宮鹵簿司盛設鹵簿儀仗于丹墀帝御袞冕朝服御朝英殿大都督黎銀率百官著朝服行進慶賀表禮。

仁宗太和元年六月以誕日爲憲天聖節。

聖宗光順元年秋七月以誕日爲崇天聖節。

按梁朝誕節自聖尊而後憲宗稱天壽節肅宗稱天明節威穆帝稱天慶節襄翼帝稱天保節昭宗稱儀元節中興以後世宗稱陽元節神宗稱壽陽節熙宗稱天明節裕宗稱春明節純宗稱昌符節懿宗稱春和節顯宗稱清和節皆以美字爲名云。

○聖壽禮儀註

是日早公侯伯文武百官奉王上旨各具本爵品服並進朝賀前一日儀制司設各處承司表案于禮部堂正中禮部官并各處承司於禮部堂宿謁待旦至五更三點鼓樂前導侍夜等官引表案儀衛司擎捧黃傘遮護承諭局捧至端門入至丹墀之東稍北鼓初嚴文武百官執事朝謁等官齊班子端門外鼓次嚴執事各員先進入萬壽殿奉皇上陞駕奉召詣前行五拜三叩頭禮趨出丹墀東西邊前位立奉皇上御駕詣敬天門序班引班首大臣及文武百官入丹墀東西序立承司官朝謁官分立于

端門外奉皇上陞座。教坊司樂奏文光之曲。樂作鳴鞭鐘音止樂止司晨郎唱報曉畢。通贊唱排班。

外贊唱同以下唱班齊鞠躬拜樂作興凡二平身樂止典儀官唱進表樂作科官二員引序班四員舉表案黃

傘遮護自丹墀東邊立入置于御道中樂止科官并序班趨出分左右立。引贊唱宣表目○○○就御道中跪奏云特進金紫榮祿大夫參從禮部尚書云云臣某等謹奏今茲欽遇聖節進慶賀表文公侯伯文武臣僚及天下各處都承憲等衙門各十二道公侯伯文武臣僚一道清華又安山南山西京北海陽太原興化宣光諒山安廣等處都承憲等衙門十一道奏畢俯伏趨出前位立。引贊唱宣表宣表官就御道中引贊唱奏跪通贊唱百官等皆跪。展表副官以朝臣表副授宣表官宣畢再以表副授展表副官復置于案。展表官趨出前位立。宣表官俯伏興趨出前位立。通贊唱俯伏興平身科官引序班舉表案復置于御道中代致詞官就御道中跪通贊唱百官皆跪代致詞官奏云公侯伯文武臣僚臣等奉王上旨謹上言今茲欽遇聖節臣等欽惟皇帝陛下不膺景命光御洪圖誕日載臨天庥滋至臣等不勝懼忭祝頌之至敬祝萬萬壽奏畢俯伏興趨出前位立通贊唱俯伏興鞠躬拜樂作興凡四平身樂止唱鞠躬三舞蹈唱百官皆跪唱嵩呼百官皆拱手加額應曰萬歲凡三如儀唱俯伏興鞠躬拜凡四興平身唱百官分班侍立儀制司就御道中跪奏禮畢教坊司同文雅樂奏休明之曲樂作鳴鞭皇上御還宮司禮監官捧表遞入內殿樂止公侯伯文武各以次趨出

○葆神禮

聖駕詣太廟門外百官左右序立候奉召入陪拜行禮如儀皇上詣拜位內贊唱鞠躬拜凡四興平

身。
外贊

唱同

巫人祝詞侑食進畢。內贊奏復拜位。奏鞠躬拜興。凡四平身。俟皇上靠西邊。閣門唱興。平身。

外贊

唱同

四拜畢。皇上御至敬殿行禮。百官陪拜如儀。五拜三叩頭。皇上御還宮。百官趨出。復進入二殿。

唱同

庭照品儀侍立。俟掌監官四拜禮畢。百官餽食。前後各行四拜禮畢。

●慶壽禮

前一日欽奉命官預告太廟至敬殿文廟宮各位。

太廟至敬宮廟。用內殿官欽命文職宣告文。文廟用經筵官欽命文職宣告文。

尙設司預設帳幄于

謹德殿及設草殿于縣市。是日早文武百官迎於縣市。掌慶官用尚書先拜于草殿上。文武百官行四拜禮。前導至端門左右。序立如儀。俟置萬壽樹至謹德殿。百官預內宴各員分東西階。

東階。王位。國公。

署府。皇宗郡公。左右都督。同知。僉事。提督都校點。掌衛尉。駙馬。都督提督。西階尚書。

都臺。左右侍郎。副都。僉都。大學士。學士。校書。三侍。給事中。通政使。四司大使。中書舍人。

皇上御座。導禮官二員。贊王上殿。

三太。三少。掌財。

閣門唱排班序班引班首大臣並入。閣門唱班齊唱鞠躬拜。凡四興。平身。閣門唱百官皆跪。清監官

進御筵。進畢。進第一爵。壽福。進第二爵。進第三爵。進壽畢。閣門唱俯伏。興。平身。鞠躬拜。凡四興。平身。

閣門唱百官分班侍立。百官內外並就宴。皇上御座。百官照品隨次引酒案奉賜海酒。

海酒例。三太。三少。與尚書。都臺。

左侍郎。都督。同知。與副都並入。右侍郎與都督僉事並入。僉都獨入。各隨品次。唱入跪飲。唱各跪飲畢。俯伏。興。平身。趨出序立。閣門就前拜位。唱鞠躬拜。凡四興。

興。平身。奏禮畢。皇上御還宮。奉命官掌慶官捧萬歲樹。進入內殿。俟樹至宮中。百官以次趨出。

按國史。聖宗光順八年正月十六日行慶壽於勤政殿。先是每春首行葆神禮於太廟。禮畢行慶壽禮。至是始行慶壽禮於勤政殿。其後率以為常。是二禮之行。蓋出國初而儀制則始定於此也。大抵二者俱是春初行慶之禮。而葆神行於宗廟。以祈神佑。慶壽則迎於郊市。反而慶賜施惠。

蓋本於月令孟春之典。凡以順發育之德。廣偕樂之仁。要亦古禮之遺意也。故歷朝行之。以爲盛典。而是日迎氣頒慶之儀。都人環觀。傳稱爲樂事云。

○延壽禮

是日預告宮廟及諸羣祀列位。

是日早文武百官預於亭昂候。竚至時。傘蓋鼓樂出迎。百官行四拜禮畢。仍前導迎入府堂外。百官分兩邊奉迎入內府堂。仍前導象馬。內府堂典監二員。用該導官隨典監一員。用侍內選。各分東西邊侍立。文武百官就府庭行四拜禮畢。就東宮筵侍宴。三品以上侍內宴。四品以下侍外宴。宴畢。各趨入拜謝。禮畢。仍趨出外竚候。待千歲樹至。各趨入府庭行四拜禮。奉御入府內。百官以次趨出。

按此乃王府之禮。行於內殿。則爲慶壽。行於宮府。則爲延壽。儀註若有詳略。而其禮實則一也。

★正旦禮

是日早節制府奉王上旨。率公侯伯大臣文武百官各具本爵品服。並進朝賀。前一日。尚設司設皇上御座于敬天門正中。設寶案于御座之前。輦駕司設黃傘于御座之左右。教坊設韶樂并大樂于丹墀之東西。守衛司排列旗幟兵仗如儀。儀制司設各處承司表案于禮部堂正中。禮官并各處承司官於禮部堂宿謁。待日至五更五點鼓樂前導侍夜等官引表案。儀衛司擎捧黃傘遮護。承諭局擡捧至端門外。入置于丹墀之東。稍北引案官並立。鼓初嚴。文武百官。執事謁等官齊班于端門外。鼓次嚴。導禮部官贊導節制府入丹墀左右店櫈座。執事各員。導禮官先進入萬壽殿庭。奉皇上陞駕奉召。詣前行五拜三叩頭禮畢。趨出東西邊丹墀前位立。奉皇上御駕詣敬天殿門。導禮官贊導節制府立于丹墀之東。稍北序立。序立班引班首大臣文武百官入丹墀東西序立。奉司官朝謁官分

卷二十二 禮儀誌

朝廷慶賀之禮

延壽禮 正旦禮

五十四

立于端門外。奉皇上陞座。教坊司唱樂。奏文光之曲。樂作鳴鞭鐘音。樂止司晨郎鳴曉畢。通贊唱排班導禮官贊。導節制府就拜位。導禮官趨前位立。通贊唱班齊。唱鞠躬拜。樂作興。凡四平身。樂止典儀官唱進表。樂作科官二員引序班四員舉表案黃傘遮護白丹墀東邊立置御道中科官并序班趨出分東西立。引贊唱宣表目。宣表官入御道中跪奏云特進金紫榮祿大夫吏部尚書云云臣某等謹奏今茲欽遇正元節。進慶賀表文公侯伯文武臣僚及天下各處都承憲司等衙門該十二道公侯伯文武臣僚等一道。清化又安山西南山西京北海陽太原興化宣光諒山安廣等處都承憲等衙門十一道奏畢俯伏興。趨出前位。引贊唱宣表宣表官就御道中跪。引贊唱百官皆跪。展表副官以朝官表副授宣表官宣畢再以表副授展表官復置于案。展表官趨出前位立。通贊唱俯伏興。平身科官分班舉表案復置于御道東代致詞官就御道中跪。通贊唱百官皆跪。代致詞官奏云欽差節制水步諸營臣某暨公侯伯文武百官臣僚等奉王上旨謹上言今茲欽遇正元節臣等欽惟皇帝陛下誕膺景命光御洪圖元日載陽天庥滋至臣等不勝懼忭祝頌之至敬祝萬萬歲壽奏畢俯伏興鞠躬拜。凡四興平身。樂止傳制官就御道中跪奏傳制俯伏仍跪。司禮監官捧制授傳制官趨出靠東邊立西向稱有制通贊唱百官皆跪。傳制官宣云皇上制曰泰亨之慶與卿等同之宣畢再捧制就御道中跪。進司禮監接授傳制官興。趨出前位立。通贊唱俯伏興平身鞠躬三舞蹈唱百官皆跪唱嵩呼百官皆拱手加額應曰萬歲又唱嵩呼又應曰萬歲又唱再嵩呼又應曰萬歲。司禮監官捧表遞進入內殿。樂作節制府還府百官以次趨出又奉節制府親率親勳大臣文武百司禮監官捧表遞進入內殿。樂作節制府還府百官以次趨出又奉節制府親率親勳大臣文武百

凡唱萬歲。

軍校樂工皆齊聲應之。

唱俯伏興鞠躬四拜。

樂作興平身。

樂止

導禮官導節制府就東邊前位立通贊唱百官

奏禮畢教坊司同文雅樂唱樂奏休明之曲。

樂作鳴鞭皇上御還宮

官至閣門外。各具品服條帽。進入府堂外。候典監四員。用科官二員立于府堂中之左右。二員立于府堂外之左右。奉王上御龍座。節制府率文武百官入班。由府堂外進入府堂中。節制府奉拜賀。百官各照班次奉入拜賀。仍奉侍宴。再拜謝禮訖。奉王上御入內。節制府還宮。文武百官又詣節制府拜賀如儀。

△常朝禮開寶端午各禮並同

皇上御座鳴鞭進香。雅樂奏文光之曲。閤門唱排班班齊。鞠躬拜。凡五拜三叩頭興平身。百官分班侍立。禮部官跪奏禮畢。

★進曆禮

遞年司天監預先推算明年官曆。至六月旬修寫曆藁二本。一本恭進。并謹啓領官錢買紙墨印作其上。進曆藁奉御覽畢。付中書監謄寫畢。付知監押作刊書。及刊本完成。司天監奉頒較比印作至十二月期擇日預進御允。至二十四日奉行進廟禮。是日早公侯伯文武百官奉王上旨各具本爵品服。進朝行禮。儀註詳後。禮畢。司天監捧御前案。謹進王府。禮科官欽頒百官。是日早儀制司及序班設進曆案于丹墀御道中。通贊四員。二員立于丹墀之東西。二員立于端門之左右。鼓三嚴。序班引進曆官二員。進入丹墀東邊。皇上御座。序班引進曆官就御道中唱鞠躬拜興。凡四。平身。禮官贊唱進黃曆。序班引進曆官詣黃紙案前。唱跪。唱進曆。序班引進曆官置。序班唱俯伏。興平身。復位。序班舉頒賜道東下至拜位。序班唱鞠躬拜。凡四。興平身。序班舉頒賜趨出。閤門唱排班班齊。唱鞠躬拜。凡四。興平身。外贊唱同。傳制官就御道中跪。奏傳制俯伏。仍跪。司禮監以制授傳制官。傳制官接受。趨出靠東邊。稱有制。閤門唱百官皆跪。傳制官宣曰。皇帝制曰。司天監進皇號某年欽授曆特命。

卿等頒行天下。趨出前位立。唱俯伏興拜。凡四興。平身。唱百官分班侍立。儀制司就御道中跪奉禮畢。皇上御還內。禮科頒曆與百官跪受加額畢。趨出。

○進春禮

是日早。尙設司設御座于敬天門正中。通贊四員。二員立于丹墀東西。二員立于端門左右。皇上御座。序班引送春官就御道中唱鞠躬拜。凡四興。平身。用府尹官。進春官自御道中就進春案前。捧春盤各員並就

春盤香案序班唱俯伏興平身復位。

序班引進春官自御道東下移拜位立唱鞠躬拜。凡四興。平身。進春官趨出前位立。香案仍

立閣門唱排班齊唱鞠躬拜。凡四代致詞官就御道中跪閣門唱百官皆跪。代致詞官奏曰初春吉時。禮當慶賀。奏畢。趨出前位立。閣門唱俯伏興鞠躬拜。凡四興。平身。唱百官分班侍立。儀制司奏禮畢。

○進春牛禮

遞年十一月。司天監謹啓某月日立春。并奉計春牛式。奉付下工部押常班造作。立春前一日暮。常班局遞土牛詣東河坊壇。府尹官與壽昌廣德二縣縣官行禮畢。卽率坊民迎就河坊壇。明日早行。府尹官及縣官各以桑枝鞭牛。卽入殿庭行進春牛禮。公侯伯文武百官奉王上旨各具本爵品服。進朝行禮。畢。司禮監官捧御前春牛案遞謹進王府。工科官欽頒百官。

按月令季冬出土牛以送寒氣。蓋是月建丑。丑爲牛土能制水。故作土牛以勝寒氣也。歷代遵用其義。故有進春牛之禮。而頒諸百官者。所以均送寒氣之事云。

右向上各節並係黎中興後禮儀。從前歷代沿革殆無可考。今故但列條目。而歷述黎朝儀註于次。以備稽覽云。